



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐ ՀՐԱՄԱՆ

№ 32 - Լ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ
ՄԻԳՐԱՑԻԱՅԻ ԵՎ ՔԱՂԱՔԱՑԻՈՒԹՅԱՆ ԾԱՌԱՅՈՒԹՅԱՆ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ ՀԱՇՎԱՌՄԱՆ-
ՔՆՆԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ, ԹՈՒՅԼՏՎՈՒԹՅՈՒՆՆԵՐԻ ԵՎ
ԼԻՑԵՆԶԱՎՈՐՄԱՆ ՎԱՐՉՈՒԹՅԱՆ ԿՈՂՄԻՑ 2025 ԹՎԱԿԱՆԻ ՄԱՅԻՍ ԱՄՍՎԱ
ՇՐՋԻԿ ՍՊԱՍԱՐԿՄԱՆ ԳՐԱՍԵՆՅԱԿՆԵՐԻ ՄԻՋՈՑՈՎ ՄԱՏՈՒՑՎՈՂ
ԾԱՌԱՅՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑԸ ԵՎ ԵՐԹՈՒՂԻՆ
ՍԱՀՄԱՆԵԼՈՒ ՄԱՍԻՆ**

Ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով և հիմք ընդունելով Հայաստանի Հանրապետության վարչապետի 2023 թվականի մարտի 14-ի թիվ 270-Լ որոշմամբ հաստատված հավելվածի 19-րդ կետի 20-րդ ենթակետը.

Հ Ր Ա Մ Ա Յ ՈՒ Մ ԵՄ՝

1. Սահմանել Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ՀՀ ՆԳՆ ՄԲԾ) և Հայաստանի Հանրապետության ներքին գործերի նախարարության հաշվառման-քննական ծառայությունների մատուցման, թույլտվությունների և լիցենզավորման վարչության (այսուհետ՝ ՀՀ ՆԳՆ ՀՔԾՄԹԼՎ) կողմից 2025 թվականի մայիս ամսվա շրջիկ սպասարկման գրասենյակների միջոցով մատուցվող ծառայությունների հետևյալ

ցանկը՝

1) ՀՀ ՆԳՆ ՄԲԾ կողմից՝

ա. անձնագրի փոխանակում,

բ. հանրային ծառայությունների համարանիշի տեղեկանքի տրամադրում,

գ. հաշվառման տեղեկանքի տրամադրում,

դ. ժամանակավոր պաշտպանության վկայականի տրամադրում և (կամ) փոխանակում,

ե. հաշվառումից հանում,

զ. Լեռնային Ղարաբաղից տեղահանված անձանց Հայաստանի Հանրապետության քաղաքացիություն ստանալու դիմումների ընդունում,

է. անձնագրերի մասին տեղեկանքի դիմումի տրամադրում,

ը. խորհրդատվության տրամադրում.

2) ՀՀ ՆԳՆ ՀԲԾՄԹԼՎ կողմից՝

ա. տրանսպորտային միջոցի սեփականության վկայականի փոխանակում կամ կորստի դեպքում նորի տրամադրում,

բ. տրանսպորտային միջոցի հաշվառման վկայագրի փոխանակում կամ կորստի դեպքում նորի տրամադրում,

գ. տրանսպորտային միջոցի հաշվառման վկայագրում անձնագրային տվյալների փոփոխություն,

դ. տրանսպորտային միջոցի խոտանում,

ե. տրանսպորտային միջոցի հաշվառման ժամանակավոր կասեցում,

զ. սահմանափակումների մասին տեղեկանքի տրամադրում,

է. վարորդական իրավունքի վկայականի փոխանակում կամ կորստի դեպքում նորի տրամադրում:

2. ՀՀ ՆԳՆ ՄԲԾ պետ Նելլի Դավթյանին և ՀՀ ՆԳՆ ՀԲԾՄԹԼՎ պետ Արարատ Թևոյանին՝ շրջիկ սպասարկման գրասենյակների միջոցով ծառայությունների մատուցումը քաղաքացիներին և Հայաստանի Հանրապետությունում ժամանակավոր պաշտպանություն ստացած անձանց առավել հասանելի դարձնելու նպատակով համագործակցել պետական կառավարման և տեղական ինքնակառավարման մարմինների հետ՝ փոխհամաձայնեցված ժամանակացույցով՝ Հայաստանի Հանրապետության ներքին գործերի նախարարության լիազորությունների շրջանակում ծառայություններ մատուցելու համար:

3. Հաստատել 2025 թվականի ապրիլ ամսվա շրջիկ սպասարկման գրասենյակների միջոցով մատուցվող ծառայությունների ժամանակացույցը և երթուղին հետևյալ հաջորդականությամբ՝

1) մայիսի 2-ին՝ Լոռու մարզի Ստեփանավան համայնք՝ դիմումների ընդունման և խորհրդատվության տրամադրում.

2) մայիսի 2-ին՝ Կոտայքի մարզի Չարենցավան համայնք՝ դիմումների ընդունման և խորհրդատվական ծառայությունների մատուցման աշխատանքներ.

3) մայիսի 8-ին՝ Տավուշի մարզի Պառավաքար, Վարազավան, Վազաշեն

համայնքներ՝ դիմումների ընդունման և խորհրդատվական ծառայությունների մատուցման աշխատանքներ.

4) մայիսի 8-ին՝ Շիրակի մարզի Մարալիկ համայնք՝ դիմումների ընդունման և խորհրդատվական ծառայությունների մատուցման աշխատանքներ.

5) մայիսի 12-ին՝ Լոռու մարզի Ստեփանավան և Կոտայքի մարզի Չարենցավան համայնքներ՝ մայիսի 2-ին ընդունված դիմումների շրջանակներում փաստաթղթերի հանձնման աշխատանքներ.

6) մայիսի 15-ին՝ Կոտայքի մարզի Նոր Հաճն համայնք՝ դիմումների ընդունման և խորհրդատվական ծառայությունների մատուցման աշխատանքներ,

7) մայիսի 16-ին՝ Կոտայքի մարզի Բյուրեղավան համայնք՝ դիմումների ընդունման և խորհրդատվական ծառայությունների մատուցման աշխատանքներ.

8) մայիսի 15-ից 16-ը՝ Սյունիքի մարզի Կոռնիձոր, Տեղ, Շինուհայր համայնքներ՝ դիմումների ընդունման և խորհրդատվական ծառայությունների մատուցման աշխատանքներ.

9) մայիսի 15-ին՝ Տավուշի մարզի Պառավաքար, Վարագավան, Վազաշեն համայնքներ՝ մայիսի 8-ին ընդունված դիմումների շրջանակներում փաստաթղթերի հանձնման աշխատանքներ.

10) մայիսի 16-ին՝ Շիրակի մարզի Մարալիկ համայնք՝ մայիսի 8-ին ընդունված դիմումների շրջանակներում փաստաթղթերի հանձնման աշխատանքներ.

11) մայիսի 22-ին՝ Արագածոտնի մարզի Քուչակ համայնք՝ դիմումների ընդունման և խորհրդատվական ծառայությունների մատուցման աշխատանքներ.

12) մայիսի 22-ից 23-ը՝ Գեղարքունիքի մարզի Վարդենիս և Մեծ Մասրիկ համայնքներ՝ դիմումների ընդունման և խորհրդատվական ծառայությունների մատուցման աշխատանքներ.

13) մայիսի 23-ին՝ Սյունիքի մարզի Կոռնիձոր, Տեղ, Շինուհայր համայնքներ՝ մայիսի 15-ին և 16-ին ընդունված դիմումների շրջանակներում փաստաթղթերի հանձնման աշխատանքներ.

14) մայիսի 23-ին՝ Կոտայքի մարզի Նոր Հաճն և Բյուրեղավան համայնքներ՝ մայիսի 15-ին և 16-ին ընդունված դիմումների շրջանակներում փաստաթղթերի հանձնման աշխատանքներ.

15) մայիսի 30-ին՝ Արմավիրի մարզի Փշատավան և Ջանֆիդա համայնքներ՝ դիմումների ընդունման և խորհրդատվական ծառայությունների մատուցման աշխատանքներ.

16) մայիսի 30-ին՝ Արարատի մարզի Արարատ համայնք՝ դիմումների ընդունման և խորհրդատվական ծառայությունների մատուցման աշխատանքներ:

4. Հայաստանի Հանրապետության ներքին գործերի նախարարի մամուլի քարտուղար, հանրային հաղորդակցության և իրազեկման վարչության պետ Նարեկ Սարգսյանին՝ 2025 թվականի մայիս ամսվա շրջիկ սպասարկման գրասենյակների միջոցով մատուցվող ծառայությունների սահմանված ժամանակացույցի և երթուղու վերաբերյալ իրականացնել հանրային իրազեկման աշխատանքներ:

5. Հայաստանի Հանրապետության ներքին գործերի նախարարության գլխավոր քարտուղար Արա Ֆիդանյանին՝ շրջիկ սպասարկման գրասենյակների աշխատանքների իրականացման ընթացքում կազմակերպել գործուղումների պլանավորումը և ֆինանսական միջոցների հատկացման գործընթացները:

6. Սույն հրամանի կատարման նկատմամբ հսկողությունը վերապահել Հայաստանի Հանրապետության ներքին գործերի նախարարի տեղակալ Արմեն Ղազարյանին:

ԱՐՓԻՆԵ ՍԱՐԳՍՅԱՆ

**02.05.2025թ.
ՀԱՍՏԱՏՎԱԾ Է
ԷԼԷԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ**